

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-061-4/24**
Datum: **07.03.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ITK MUSIĆ“ d.o.o. Srebrenik za donošenje rješenja o vodnoj dozvoli za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, lociranog na zemljištu označenom k.č. 676/2 KO Ljenobud, grad Srebrenik, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „ITK MUSIĆ“ d.o.o. Srebrenik daje se vodna dozvola za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, lociranog na zemljištu označenom k.č. 676/2 KO Ljenobud, grad Srebrenik.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na prostoru postrojenja za proizvodnju betona vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, separator ulja i masti sa koalescentnim filterom i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispuniavati

referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

3.7. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betonske smjese, a u procesu održavanja mehanizacije, redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, pravno lice je dužno provoditi sve mjere i aktivnosti propisane istom.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.

9. U ovoj upravnoj stvari plaćene su sve upravne pristojbe.

10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „ITK MUSIC“ d.o.o. Srebrenik obrato se ovoj Agenciji sa zahtjevom za donošenje rješenja o vodnoj dozvoli za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, lociranog na zemljištu označenom k.č. 676/2 KO Ljenobud, grad Srebrenik,

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerenje o poreznoj registraciji od 18.01.2017. godine izdato od strane Kantonalnog poreznog ureda u Tuzli – ovjerena kopija,
- Rješenje o naknadnoj urbanističkoj saglasnosti, broj:08-23-1-783/12 od 18.01.2023. godine izdato od strane Službe za prostorno uređenje i zaštitu okolice grad Srebrenik – kopija,
- Rješenje o naknadnom odobrenju za građenje, broj:08-19-2-1617/23 od 19.05.2023. godine izdato od strane Službe za prostorno uređenje i zaštitu okolice grad Srebrenik – kopija,
- Rješenje o vodnoj saglasnosti, broj:UP-1/21-2-40-094-3/23 od 06.04.2023. godine izdato od strane Agencije za vodno područje rijeke Save, Sarajevo – kopija,

- Račun za vodu, broj:009779 od 31.01.2024. godine izdat od strane JP Vodovod i kanalizacija d.d. Srebrenik – kopija,

- Certifikat o ugrađenom separatoru IGH DC-024/21 RoOil NS 60-6 (l/s) sa koalescentnim filterom; by pass 10% od 8.ožujka 2021. godine sa pratećom dokumentacijom – kopija,

- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Glavni projekat –mobilno postrojenje za proizvodnju betona urađen od strane PGP Hidroinženjering d.o.o. Tuzla, februar 2023. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona- betonare, „ITK MUSIĆ“ d.o.o. Srebrenik i tom prilikom sačinjen Zapisnik o izvršenom uviđaju broj:UP-1/21-3-40-061-2/24 od 05.03.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Proizvodno postrojenje izgrađeno je u mjestu Behrami – općina Srebrenik, van naseljenog područja, pored rijeke Tinje na parceli označenoj kao k.č. 676/2, KO Ljenobud.
- Proizvodno postrojenje je locirano u komunalno opremljenoj zoni, do koje je dovedena elektrodistributivna mreža te izgrađena pristupna asfaltirana saobraćajnica sa magistralnog puta M18 Tuzla – Orašje i preko mosta na rijeci Tinji koji se nalazi u krugu Investitora.
- Mobilno postrojenje za proizvodnju betona kapaciteta 9,8 m³/sat je tipsko postrojenje, serijske industrijske proizvodnje, atestirano, montirano u lancu za izvršenje radova, prema tehnološkim potrebama procesa.
- Sadržaji postrojenja su: usipni koševi za pojedine frakcije agregata sa vagama, transportna traka kojom se frakcije dopremaju u mješalicu za beton, rezervoar za vodu kapaciteta 3200 l sa pumpama i vagom za vodu, silosi za cement kapaciteta 50 m³ i 30 m³ sa elevatorima za dopremanje cementa u mješalicu za beton i vagom za cement, mješalica za beton kapaciteta 1,2 m³, komandna kućica (kontejner).
- Sve potrebe radnika mobilne betonare za održavanje higijene kao i drugo korištenje vode obavljaju se u susjednom administrativnom objektu koji je takođe u vlasništvu Investitora a za koji su obezbjeđene sve potrebne dozvole i saglasnosti.
- Vode od pranja mješalice za beton i miksera za prevoz betona se odvođe u trokomorni taložnik za izdvajanje krutog otpada (šljunak) i cementnog mlijeka, koji se tako izdvojeni ponovno vraćaju u proces proizvodnje betona, a prečišćena voda se ponovo uzima za pranje mješalice i miksera u sistemu recirkulacije. Obzirom da se voda koristiti u sistemu recirkulacije nedostajuće količine vode će se koristiti iz gradskog vodovoda preko vodomjernog šahta za što je pribavljena saglasnost od JP Vodovod i Kanalizacija d.d. Srebrenik.
- Tačnije, zaprljane vode od pranja miksera i betonare se skupljaju u ovičenom prostoru i padom površina se slijevaju u sabirni jednokomorni taložnik dimenzija 4,3x1,1 dubine 1,5 m (koji služi za odvajanje krutog otpada) a zatim u trokomorni AB taložnik dimenzija 4,6x4,6x2,55 m za izbistravanje vode koje se ponovo koriste u recirkulaciji za pranje betonare, miksera i spravljanje betona.
- Površinske vode sa platoa betonare koje mogu sadržavati čestice pijeska, betona, kamenog agregata, tragova ulja i masti se padovima vodonepropusne podloge, ivičnjacima i kanalima odvođe do taložnika a zatim do separatora ulja i masti sa koalescentnim filterom da bi se nakon tretmana preko šahta za monitoring ispuštale u recipijent, rijeku Tinju.
- Voda za spravljanje betona se pomoću cjevovoda doprema do rezervoara kapaciteta 3200 l koji se takođe nalazi na prikolici uz postrojenje. Odatle se voda pumpama dobacuje na vagu za vodu, sa koje se dalje, takođe pumpama ubacuje u mješalicu za beton.
- Predmetni poslovni objekat – mobilna betonara je locirana na parcelama na koje nemaju uticaji VV-e ranga Q1/100 jer je pripadajuća dionica rijeke Tinje regulisana.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „ITK MUSIĆ” d.o.o. Srebrenik ispunio minimum uslova za izdavanje vodne dozvole za ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona sa pratećim sadržajima, lociranog na zemljištu označenom k.č. 676/2 KO Ljenobud, grad Srebrenik, te je riješeno kao u dispozitivu ovog Rješenja. Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačko B obrazloženja rješenja

Po ovlaštenju
Rukovodilac sektora za izdavanje vodnih akata

Haris Ališehović, dipl. inž. građ.

Dostaviti:

- „ITK MUSIĆ” d.o.o. Srebrenik
Duboki Potok bb, 75350 Srebrenik, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava